

TOUCHER

CENTURION BOWLS CLUB

CENTURION ROLBALKLUB

NUUSBRIEF / NEWSLETTER

JANUARIE 2018

www.centurionbowls-club.co.za



centurionbowls@gmail.com

Dit is nou voorraadopname tyd, van die jaar wat verby is en besluitnemingtyd van die jaar wat voorlê. Laat 2018 'n jaar wees waarin ons mekaar beter sal ondersteun en laat bedagsaamheid die als wees waarom ons aksies draai.

Dit maak nie saak wat jy vermag het of nagelaat het om te doen, omarm 2018 met dankbaarheid vir al die liefde, genade en hoop wat jy ontvang het.

XX



LIEF EN LEED Ons ontvang genoeg genade vir elke dag.

Cathy en Elsabe gaan nog vir 'n paar maande nie speel maar sterk mooi aan.

Yvonne Clausen gaan hierdie week onder die mes kom.
Sterkte, ons dink aan jou!

Kobus Nieuwoudt gaan vir sy kinders in Nieu Zeeland kuier. Geniet die tyd daar, dis kosbare herinneringe.

Daar was ook verlies en hartseer vir sommige lede en ek hoop julle kan die hartseer omvou met onthou van die mooi, en dat dit vertroostend vir 'n treurende hart sal wees.

@@

DINSDAGKLUB. 'n Nuwe bestuur is vir die Dinsdagklub gekies:

Chris Carstens; Speedy de Wet; Johan Meaker en Eric Oosthuizen.

BRAAI

Ons hou 'n klubbraai 20 Januarie na spel. Eetgerei, sous en pap sal voorsien word. Bring asseblief jou eie vleis en slaai, indien so verkies. Kom ons kuier almal gesellig saam en bou gees vir 2018.

A strong friendship doesn't need daily conversation; doesn't always need togetherness. As long as the relationship lives in the heart, true friends will never part.

[illegible]

Nuus vanaf die BANE

Ons bane is in 'n uitstekende toestand en dis 'n plesier om te rol. Ons sê baie dankie aan Dup en ook 'n spesiale dankie aan Piet en Gert vir hulle hulp met die spuit vir die miere. Dankie Gert vir die merk van die bane...ons voel sommer spesiaal. Onthou asseblief ook om die mat nie elke keer op dieselfde posisie te plaas nie. Die matte is plasiëk/rubber en in die hitte beskadig dit die gras. Verander maar die lengte gedurig.

+++++

Life is like a ten speed bike. Most of us have gears that we never use. -Charles schultz

#####

BAANFOOIE soos deur BGN vasgestel:

Weeksdae R10, Naweek: R15 per person, van toepassing by BGN wedstryde.

Liga

Begin weer op die 27 Januarie en eindig op 17 Februarie.

[illegible]

In matters of style, swim with the current; in matters of principle, stand like a rock...Thomas Jefferson.

|||||

Die kroeg se snoepie gaan voortaan ook vrugtesap in kartonhouertjies, vrugtestafies en energiestafies te koop hê. Ook is alkoholvrye bier nou beskikbaar.

Day in the sun 🌞

[illegible]

Hartlik geluk, mag dit 'n jaar vol liefde en seëninge vir julle almal wees.

- 

Wees getrou aan die klein dingetjies , want daarin lê jou krag.
Moeder Teresa

- 1 Rona Viljoen
- 2 Jimmy Venter
- 5 Danny De Lang
- 7 Gert Nel
- 16 Deon Hammer
- 17 Francois Ferreira
- 19 Marsha Greyling
- 20 Ann v d Veen
- 20 Eugene van Rensburg
- 24 Charmaine Bultman
- 24 Isa Theron
- 25 Estelle De Beer
- 26 Magriet Rabie

A meaningful life is not being rich, being popular, being highly educated or being perfect. It is being real. Being humble, being able to share ourselves and touch the lives of others. It is only then that we could have a full, happy and contented life.

TEEDIENS: Be a girl with a mind, a woman with attitude and a lady with class.

Sameroepster: Bets du Plessis 083 476 4437
Rona Viljoen Yvonne Odendaal
Judy Ralph Elize Bruwer
Rinda Gerber Corey Marais

Sameroepster: Marie Strydom; 082 349 4925
Aletta Myburgh Estelle de Beer
Charmaine Bultman Marie de Klerk
Francis Slabber Annie Marias
Annie du Plessis Este du Toit.



Sameroeper; Daan Opperman 0828881738
John Ralph Chris Gerber
Frans Kruger Piet Schutte

Februarie:

Sameroeper: Andre Strydom 082 856 9944

Hennie de Beer

Koos Bultman

Willem de Klerk

Koos Slabber

Piet Morkel

Indien jy nie jou teebeurt of baandiens kan waarneem, reël asseblief met iemand om dit vir jou te doen en stel die sameroeper/ster in kennis.

~~~~~

## **GESKIEDENIS VAN CENTURION ROLBALKLUB**

**CENTURION ROLBALKLUB** is op 9 November 1971 as Verwoerdburg Rolbalkklub gestig. Die stigting van die rolbalkklub is deur Hennie van Zyl geïnisieer tesame met Piet Hamman en Eddie Atkins en het plaasgevind in Louis Leipoldtskoolsaal. Een perk het Atkins en die ander, van Zyl geheet.

Die stadsvaders het die munisipaliteit suid van Pretoria, Verwoerdburg genoem en dit is vandaar dat die rolbalkklub toe ook Verwoerdburg Rolbalkklub genoem is. Vyf-en-twintig jaar later, op 7 Augustus 1996, is die naam verander na Centurion<sup>1</sup> Rolbalkklub.

Centurion Rolbalkklub is deel van Sportpark in Lyttelton-Oos, oos van die spoorlyn met die ingang in Krugerlaan.

Met die stigtingsvergadering was daar 29 persone teenwoordig wat toe ook as lede op die ledelys geplaas is. Twee van hierdie 29 lede is nog spesiale lede. Hulle is Piet Bell en Joan Church. Joan Church het ook vir jare lank op die besture van BGN en BSA gedien. Verskeie van ons lede het al op BGN se bestuur gedien.



In Februarie 1972 het Eddie Atkins met die bou van die perke begin. Dit het ongeveer 'n jaar geneem om dit te voltooi. Een van die bane is dan ook na hom vernoem.

Daar was nie 'n klubhuis nie en lede het tee en toebrödjies gebring wat hulle onder die dennebome geniet het. In 1973 is 'n klubhuis met 'n kombuis en toilette opgerig. Die geriewe was maar beperk en gou is daar 'n onthaalarea, groter kombuis en stoep aangebou. Onlangs is geriewe vir gestremdes en 'n kantoor bygevoeg. Terselfdertyd is daar ook spreiligte aangebring wat meegebring het dat rolbal ook na sonder gespeel kan word.

---

<sup>1</sup> Die naam van die munisipaliteit is in 1994 verander na Centurion. Dit het gevolg nadat die krieketveld wat vandag bekend is as Supersportpark die naam Centurion gekry het.

Dit is veral die dameslede van Centurion Rolbalkklub wat presteer. Op die Wêreld Rolbal Enkels-ranglys wat op 10 Mei 2010 gepubliseer is, is Jannie de Beer 37ste geplaas. Jannie de Beer is ook een van die rolbalspringbokke van Centurion Rolbalkklub. Nog 'n springbok rolbalspeler is Loraine Victor wat tot 'n paar jaar gelede ook lid by Centurion Rolbalkklub was.

'n Paar dames is ook al gekies om in verskeie BGN spanne te speel. Heather Volmer, Dulcie Claassens, Louise Graham, Ria Coetzee, Joekie Bernardt, Naudene Ward, Yvonne Clausen en Bessie Oliemans.

Centurion Rolbalkklub het tans ongeveer 200 lede. Met die toevoeging van die lede vanaf Zwartkop, nadat hulle bane gesluit is, het die ledetal weereens hierdie getal bereik.

Rolbal is waarskynlik die enigste sportsoort wat die herinneringe aan afgestorwe lede eer met die muurkassie met die byskrif: *Hulle skyfies is vir altyd in*. In die klubhuis van Centurion Rolbalkklub is daar ook so 'n gedenk-muurkassie.

By Centurion Rolbalkklub word op Dinsdag-oggende, Donderdag-oggende en Saterdagmiddae sosiaal gespeel. Vir langer as tien jaar al speel die mans by die Dinsdagmiddagklub parespel. Elke Dinsdag word die wenner se punte geboekstaaf en aan die einde van die seisoen, tydens 'n prysuitdelingsgeselligheid, met 'n beker en prys vereer. Rol met 'n swaaiantfout (*wrong bias*) word met R2.00 beboet wat bydra tot die gesellige atmosfeer op 'n Dinsdagmiddag. En natuurlik word daar altyd ook grappe en stories vertel.

Manlike spelers van alle klubs is welkom om te kom aansluit by die Dinsdagklub.

Interne mans- en dameskompetisies in verskillende kategorieë vind op 'n deurlopende basis deur die seisoen plaas en loop uit op die prysuitdelingsfunksie tydens die Algemene Jaarvergadering. By die geleentheid word die verdienstelike trofee aan die wenner van die kategorieë oorhandig.

Die lede van die Centurion Rolbalkklub neem ook deel aan die BGN-liga en die kompetisies van BGN en die nasionale BSA kompetisie.

Twee keer per jaar hou Centurion Rolbalkklub 'n fondsinsamelingsdag. Hierdie fondsinsamelingsdae word goed ondersteun en sorg vir 'n gesellige saamkuier van rolbalspelers van 'n groot aantal rolbalklubs. Alhoewel dit 'n fondsinsamelingsdag genoem word, gaan dit eerder oor geselligheid en die kameraderie van rolbalspelers. Daar word ook spesiale rolbal dae gehou waar lede uit die gemeenskap aan rolbal bekendgestel word. Centurion is ook bekend vir hulle gasvryheid en kwaliteit etes wat aangebied word tydens BGN wedstryde. 'n Pluimpie vir die dames.

Centurion het ook sosiale bande met Meyerspark, Irene en dan 'n 4-hoekige byeenkoms wat insluit: Villieria, Bronkhorstspuit, Lynnwood en Centurion. Een maal per jaar word daar gesellig, op roterende basis, saam met hierdie klubs verkeer.

So ondersteun ons verskeie fondsinsamelingsdae van ander klubs en leer ook so spelers van ander klubs, in BGN distrik ken.

